

არასამეწარმეო (არაკომერციული) იურიდიული პირის

„ბავშვთა ინკლუზიური ცენტრის“

წესდება

მუხლი 1. ზოგადი დებულებები

1. არასამეწარმეო (არაკომერციული) იურიდიული პირი „ბავშვთა ინკლუზიური ცენტრი“ (შემდგომში - „ბავშვთა ინკლუზიური ცენტრი“) არის კერძო სამართლის არასამეწარმეო (არაკომერციული) იურიდიული პირი, რომელიც შექმნილია საქართველოს ორგანული კანონის „ადგილობრივი თვითმმართველობის კოდექსისა“ და საქართველოს სამოქალაქო კოდექსის საფუძველზე, საქართველოს კანონმდებლობის მოთხოვნათა შესაბამისად და მისი მიზანია უნარ-შეზღუდულ ბავშვთა ზრდა- განვითარების ხელშეწყობა, ჯანსაღი ცხოვრების წესის პოპულარიზაცია და დამკვიდრების ხელშეწყობა.
2. „ბავშვთა ინკლუზიური ცენტრი“ დაფუძნებულია წყალტუბოს მუნიციპალიტეტის მიერ. არასამეწარმეო (არაკომერციული) იურიდიული პირის სახელწოდებაა „ბავშვთა ინკლუზიური ცენტრი“
3. „ბავშვთა ინკლუზიური ცენტრი“ თავის საქმიანობას წარმართავს საქართველოს კონსტიტუციის, საქართველოს კანონმდებლობით და ამ წესდების შესაბამისად.
4. წინამდებარე წესდება წარმოადგენს ორგანიზაციის დამფუძნებელთა შორის დადებული სადამფუძნებლო შეთანხმების ნაწილს, რომელიც გამოხატავს მათ ურთიერთთანხმებულ ნებას და სავალდებულო ძალის მქონეა დამფუძნებლებისათვის.
5. „ბავშვთა ინკლუზიური ცენტრს“ აქვს დამოუკიდებელი ბალანსი, მრგვალი ბეჭედი, საანგარიშსწორებო და სხვა ანგარიშები საბანკო დაწესებულებებში და არასამეწარმეო (არაკომერციული) იურიდიული პირის სხვა რეკვიზიტები.
6. „ბავშვთა ინკლუზიური ცენტრი“ საკუთარი სახელით ახორციელებს თავის უფლებებსა და მოვალეობებს, ამყარებს კონტაქტებს ფიზიკურ და იურიდიულ

პირებთან. დებს გარიგებებს და შეუძლია გამოვიდეს სასამართლოში მოსარჩელედ და მოპასუხედ.

7. „ბავშვთა ინკლუზიური ცენტრი“ ხელმძღვანელობს საქართველოს ორგანული კანონით „ადგილობრივი თვითმმართველობის კოდექსის“, „საქართველოს სამოქალაქო კოდექსის“, „შრომის კოდექსის“, ამ წესდების და მოქმედი კანონმდებლობის შესაბამისად.

8. „ბავშვთა ინკლუზიური ცენტრი“ -ს იურიდიული მისამართია: ქ. წყალტუბო 9 აპრილის ქუჩა, პირველი შესახვევი №2; ელექტრონული ფოსტა: bavshvta.inkluziuri@gmail.com

მუხლი 2. „ბავშვთა ინკლუზიური ცენტრი“-ს საქმიანობის მიზნები და ამოცანები
„ბავშვთა ინკლუზიური ცენტრი“ -ს საქმიანობის მიზნები და ამოცანებია:

1. უნარშემდგომ ბავშვთა ზრდა-განვითარების ხელშეწყობა, მათი იზოლაციიდან გამოყვანა და საზოგადოებასთან ინტეგრაცია.
2. მათი უფლებების დაცვა და შესაბამისი დახმარების აღმოჩენა.
3. პრობლემების შესწავლა და რეკომენდაციების შემუშავება.
4. ჯანსაღი ცხოვრების წესის პოპულარიზაცია და დამკვიდრების ხელშეწყობა.
5. ბავშვთა უფლებების დაცვის კონვენციით გარანტირებული განათლების უფლების უზრუნველყოფა.
6. მშობელთათვის ფსიქოლოგიური დახმარების ცენტრის შექმნა.
7. ყველა ის საქმიანობა, რომელიც არ არის აკრძალული საქართველოს მოქმედი კანონმდებლობით.

მუხლი 3 „ბავშვთა ინკლუზიური ცენტრის“ სტრუქტურა და მართვა

1. წყალტუბოს მუნიციპალიტეტის მერი კანონმდებლობით დადგენილი წესით ამტკიცებს „ბავშვთა ინკლუზიური ცენტრს“ წესდებას, სამტატო ნუსხას, სახელფასო განაკვეთს, ხარჯთაღრიცხვას და ახორციელებს მათში ცვლილებების შეტანას.

2. „ბავშვთა ინკლუზიური ცენტრს“ ხელმძღვანელობს დირექტორი, დირექტორის თანამდებობაზე შეიძლება დაინიშნოს პირი, რომელსაც აქვს

უმაღლესი განათლება. დირექტორს ნიშნავს და თანამდებობიდან ათავისუფლებს წყალტუბოს მუნიციპალიტეტის მერი;

მუხლი 4. „ბავშვთა ინკლუზიური ცენტრი“-ს დირექტორი:

1. წარმართავს და ორგანიზებას უწევს „ბავშვთა ინკლუზიური ცენტრის“ საერთო საქმიანობას. პასუხისმგებელია ამ საქმიანობის კანონიერებასა და ეფექტურობაზე.
2. შრომითი ხელშეკრულების საფუძველზე თანამდებობაზე ნიშნავს და ათავისუფლებს „ბავშვთა ინკლუზიური ცენტრის“ თანამშრომლებს.
3. კანონით დადგენილი წესით განაგებს „ბავშვთა ინკლუზიური ცენტრის“ ქონებას და სახსრებს, მასვე ეკისრება პასუხისმგებლობა სამსახურის საკუთრებაში არსებული ქონების მოვლა-პატრონობაზე და ფულადი სახსრების მიზნობრივად და სწორად ხარჯვაზე.
4. წყალტუბოს მუნიციპალიტეტის მერის თანხმობით უფლებამოსილია შეიძინოს და გაასხვისოს „ბავშვთა ინკლუზიური ცენტრის“ ფუნქციონირებისათვის აუცილებელი ძირითადი ქონება;
5. მინდობილობის გარეშე წარმოადგენს „ბავშვთა ინკლუზიური ცენტრს“ ყველა ინსტანციაში და დებს (გარიგებებს) ხელშეკრულებებს ფიზიკურ და იურიდიულ პირებთან;
6. იღებს გადაწყვეტილებას „ბავშვთა ინკლუზიური ცენტრის“ თანამშრომელთა წახალისებისა და დისციპლინური პასუხისმგებლობის შესახებ შინაგანაწესით დადგენილი წესის შესაბამისად.
7. შეიმუშავებს და ამტკიცებს „ბავშვთა ინკლუზიური ცენტრის“ შინაგანაწესს.
8. მუნიციპალიტეტის მერს წარუდგენს ყოველწლიურ ანგარიშს გაწეული სამუშაოს შესახებ.
9. უფლებამოსილების განსახორციელებლად გამოსცემს ბრძანებას, რომელიც მოქმედებს „ბავშვთა ინკლუზიური ცენტრის“ ფარგლებში.
10. წესდებით გათვალისწინებული მიზნებისა და ამოცანების მისაღწევად უფლებამოსილია განახორციელოს ნებისმიერი საქმიანობა, რომელიც არ ეწინააღმდეგება მოქმედ კანონმდებლობას.

11. მუნიციპალიტეტის მერი იღებს გადაწყვეტილებას დირექტორის წახალისებისა და დისციპლინური პასუხისმგებლობის დაკისრების შესახებ კანონმდებლობით დადგენილი წესით”.

12. დირექტორი ანგარიშვალდებულია მუნიციპალიტეტის მერის წინაშე.

13. დირექტორის არ ყოფნის შემთხვევაში წყალტუბოს მუნიციპალიტეტის მერის გადაწყვეტილებით მის მოვალეობას ასრულებს ერთ-ერთი თანამშრომელი.

მუხლი 5. ქონება, დაფინანსება და ანგარიშსწორება

1. დასახული მიზნებისა და დაკისრებული ფუნქციების განსახორციელებლად „ბავშვთა ინკლუზიური ცენტრს“ გადაეცემა შესაბამისი ქონება, საქართველოს კანონმდებლობით დადგენილი წესით.

2. „ბავშვთა ინკლუზიური ცენტრის“ დაფინანსების წყაროებია:

ა) წყალტუბოს მუნიციპალიტეტის ბიუჯეტიდან გამოყოფილი მიზნობრივი სახსრები.

ბ) საქართველოს კანონმდებლობით ნებადართული სხვა შემოსავლები.

3. ამ მუხლის მე-2 პუნქტით განსაზღვრული სახსრები კანონმდებლობის შესაბამისად ხმარდება მხოლოდ „ბავშვთა ინკლუზიური ცენტრის“ მიზნებისა და ფუნქციების განხორციელებას და მათი სხვა მიზნით გამოყენება დაუშვებელია.

4. „ბავშვთა ინკლუზიური ცენტრი“ ვალდებულია კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება.

მუხლი 6. საქმიანობა, რომელიც საჭიროებს თანხმობას

„ბავშვთა ინკლუზიური ცენტრს“ შეუძლია, მხოლოდ წყალტუბოს მუნიციპალიტეტის მერის და საჭიროების შემთხვევაში სხვა შესაბამისი ორგანოების თანხმობით, განახორციელოს შემდეგი ქმედებები:

ა) უძრავი ქონების შექმნა-დატვირთვა

ბ) სესხის აღება.

გ) თავდებობა.

დ) სამტატო განრიგისა და ხელფასის ფონდის განსაზღვრა;

ე) სხვა გადაწყვეტილებები „ბავშვთა ინკლუზიური ცენტრის“-ს ქონებასთან დაკავშირებით, რომლებიც სცილდება ჩვეულებრივი საქმიანობის ფარგლებს.

მუხლი 7. საქმიანობის კონტროლი

1. „ცენტრი“-ს საქმიანობა ექვემდებარება კანონმდებლობით დადგენილ კონტროლს.
2. „ცენტრი“-ს საქმიანობის კონტროლი გულისხმობს, „ცენტრი“-ს მიერ განხორციელებული საქმიანობის კანონიერების, მიზანშეწონილობის, ეფექტიანობისა და საფინანსო-ეკონომიკური საქმიანობის ზედამხედველობას.
3. მუნიციპალიტეტის მერია უფლებამოსილია განახორციელოს კონტროლი „ცენტრი“-ს საქმიანობაზე, კონტროლის განხორციელების მიზნით საჭიროების შემთხვევაში მოითხოვოს შესაბამის მასალები და ინფორმაცია.

მუხლი 8. წესდებაში ცვლილებების და დამატებების შეტანის, რეორგანიზაციისა და ლიკვიდაციის წესი

„წყალტუბოს მუნიციპალიტეტის ბავშვთა ინკლუზიური ცენტრის“ წესდებაში ცვლილებების და დამატებების შეტანის, რეორგანიზაცია და ლიკვიდაცია ხორციელდება წყალტუბოს მუნიციპალიტეტის მერის მიერ, საქართველოს კანონმდებლობით დადგენილი წესით.

მუხლი 9. დასკვნითი დებულებები

1. წინამდებარე წესდება ძალაში შედის წყალტუბოს მუნიციპალიტეტის მერის მიერ წესდების დამტკიცების შესახებ მერის ბრძანების ამოქმედებიდან;
2. თუ ამ წესდების (დამფუძნებლის შეთანხმების) რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე;
3. ამ წესდებისა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.